



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ա. Դավթի 87ա

<<26>> հոկտեմբերի 2018թ.

Ո Ր Ո Շ ՈՒ Մ No. 3930/14-ՂԵ

Ջկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով անհատ ձեռնարկատեր Լուսինե Պետրոսյանի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների անհատ ձեռնարկատեր Լուսինե Պետրոսյանի (<ՎՀՀ 78635261, հասցե՝ ՀՀ Սյունիքի մարզ ք.Կապան Արփիկ բան.33-1, պետ. գրանցման համարը՝ 27.02878) <27> սեպտեմբերի 2018 թվականի դրությամբ չկատարված հարկային պարտավորությունը կազմել է 914.143 դրամ, որից ապառք՝ 598.921 դրամ, տույժ՝ 315.222 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին <28> սեպտեմբերի 2018 թվականին ԱԶ Լ.Պետրոսյանը Հայաստանի Հանրապետության հրապարակային ծանուցումների պաշտոնական ինտերնետային կայքի միջոցով պատշաճ կերպով ծանուցվել է, սակայն վարույթի նյութերին ծանոթանալու համար չի ներկայացրել և նշվածի վերաբերյալ որևէ բացատրություն չի տվել:

ՀՀ ԿԱ ՊԵԿ Կապանի ՏՀՏ-ի պետի կողմից 19.03.2014 թվականին կայացվել է թիվ 27 որոշումը ԱԶ Լուսինե Պետրոսյանից 283.961 դրամ գանձելու մասին, որի մեջ ներառված է եղել շրջանառության հարկ՝ 165.357 դրամ (ապառք՝ 132.005 դրամ, տույժ 33.352 դրամ), եկամտային հարկ՝ 69.013 դրամ (ապառք՝ 54.500 դրամ, տույժ 14.513 դրամ), սոցիալական ապահովության վճար՝ 49.592 դրամ (ապառք՝ 33.268 դրամ, տույժ՝ 16.324 դրամ):

ՀՀ ՖՆ Կապանի ՏՀՏ-ի պետի կողմից 15.10.2014 թվականին կայացվել է թիվ 254 որոշումը ԱԶ Լուսինե Պետրոսյանից 119.700 դրամ գանձելու մասին, որի մեջ ներառված է եղել շրջանառության

հարկ՝ 78.700 դրամ (ապառք՝ 64.600 դրամ, տույժ 14.100 դրամ), եկամտային հարկ՝ 41.000 դրամ (ապառք՝ 35.000 դրամ, տույժ 6.000 դրամ): Նշված որոշումներով վճարվել է 5.722 դրամ սոցիալական ապահովության վճար:

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է **516.203 դրամ**, որից՝

շրջանառության հարկի գծով պարտավորությունը կազմում է **253.467 դրամ**, որից ապառք՝ 129.490 դրամ, տույժ՝ 123.977 դրամ, որն առաջացել է 2014 թվականի 3-րդ, 4-րդ, 2015 թվականի 1-ին, 2-րդ, 3-րդ, 4-րդ, 2016 թվականի 3-րդ, 4-րդ, 2017 թվականի 1-ին և 2018 թվականի 1-ին եռամսյակների շրջանառության հաշվարկներից և իրավահարաբերության ծագման պահին գործող <<Հարկերի մասին>> ՀՀ օրենքի 23-րդ և ՀՀ հարկային օրենսգրքի 401-րդ հոդվածներով հաշվարկված տույժերից:

եկամտային հարկի գծով պարտավորությունը կազմում է **262.736 դրամ**, որից ապառք՝ 155.000 դրամ, տույժ՝ 107.736 դրամ, որն առաջացել է իրավահարաբերության ծագման պահին գործող <<Եկամտային հարկի մասին>> ՀՀ օրենքի 10-րդ հոդվածի 1-ին մասի 8-րդ կետով նախատեսված՝ 2014 թվականի սեպտեմբերից-դեկտեմբեր, 2015 թվականի հունվար, փետրվար, հուլիսից-դեկտեմբեր, 2016 թվականի հունվարից-դեկտեմբեր, 2017 թվականի հունվարից-մայիս և նոյեմբեր, դեկտեմբեր ամիսների եկամտային հարկից և իրավահարաբերության ծագման պահին գործող <<Հարկերի մասին>> ՀՀ օրենքի 23-րդ հոդվածով հաշվարկված տույժերից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն <<Հայաստանի Հանրապետության 2018 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված

հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման:**

Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք դնելու մասին հանձնարարագիր հրապարակել:

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ հոդվածի 9-րդ մասով և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. Անհատ ձեռնարկատեր Լուսինե Պետրոսյանից գանձել 516.203 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ <<Վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ վարչական դատարան:

ԻՐԱՎԱՐԱՐԱԿԱՆ
ՎԱՐՉՈՒԹՅԱՆ ՊԵՏ



Handwritten signature in blue ink.

Ա. ՄՆԱՑԱԿԱՆՅԱՆ

Ստացա որոշման օրինակը

Ստորագրություն

հարկ վճարողի /կամ ֆիզ. Անձի/ պաշտ. Անձի անուն ազգանուն

ամսաթիվ